

JAVNA USTANOVA DOM ZDRAVLJA SA STACIONAROM OLOVO

ul. Branilaca Olova bb

Na osnovu člana 5. Uredbe o postupku prijema u radni odnos u javnom sektoru u Zeničko – dobojskom kantonu (“Službene novine Ze – do kantona“ broj: 9/23), Odluke Upravnog odbora JU Dom zdravlja sa stacionarom Olovo broj: UO-3204-2/23 te Odluke v.d. direktora o potrebi prijema u radni odnos broj: 3161/23 od 14.12.2023. godine, JU Dom zdravlja sa stacionarom Olovo raspisuje:

JAVNI OGLAS ZA PRIJEM U RADNI ODNOS

I

JU Dom zdravlja sa stacionarom Olovo prima u radni odnos na određeno vrijeme sljedeće radnike na sljedeće radno mjesto:

1. MEDICINSKA SESTRA – TEHNIČAR

2 IZVRŠIOCA;

II

Kandidati treba da ispunjavaju sljedeće opće uslove za prijem u radni odnos:

- da su državljani Bosne i Hercegovine;
- da su stariji od 18 godina i
- da imaju zdravstvenu sposobnost za zasnivanje radnog odnosa za gore navedena radna mjesta.

Posebni uslovi koje kandidati moraju da ispunjavaju, za radno mjesto, su:

1. Za radno mjesto Medicinska sestra – tehničar:

- da ima završenu srednju medicinsku školu –smjer opšti,
- da ima položen stručni ispit za zvanje medicinska sestra – tehničar smjer opšti,
- da ima položen vozački ispit B kategorije,
- da ima 6 mjeseci radnog iskustva na poslovima medicinske sestre – tehničar smjer opšti.

Status: 2 izvršioca na određeno vrijeme.

Kratak opis poslova:

- zadužen je i odgovoran za inventar, medicinsku opremu i njeno održavanje, odnosno sredstva potrebna za negu, liječenje i rehabilitaciju sa kojima rukuje,
- odgovoran je za smještaj, trajnost i čuvanje lijekova,
- vrši nabavku lijekova i zavojnog materijala po nalogu ljekara u amublanti,
- vrši obračun lijekova i zavojnog materijala, te dostavlja iste računovodstvu u propisanom roku,
- kod prijema bolesnika ili porodilje vrši zaduženja i razduženja sa garderobom bolesnika i stara se o istoj,
- vrši poslove sterilizacije i odgovoran je za sterilnost instrumenata, zavojnog materijala, konca, rukavica i dr., a povremeno šalje uzorke ovog materijala za dobivanje atesta sterilnosti i atesta ispravnosti aparata za sterilizaciju,
- vrši prijem i trijažu oboljelih i povrijeđenih,
- vrši sanitarnu obradu bolesnika,
- vrši termometriju, mjerenje pulsa a. radialis i upisuje nalaze,
- uzima anamnezu: ličnu, porodičnu, radnu i socijalnu, upisuje i informiše ljekara,

- uzima i šalje materijal od bolesnika (sekret, ekskreti, krv, bris, vrši želudačnu i duodenalnu tubežu, ispira želudac u zdravstvenoj organizaciji, stanu bolesnika ili na mjestu udesa, sa svrhom uzimanja ispirka za dijagnostiku),
- vrši poslove njege bolesnika i učestvuje u poslovima intenzivne njege bolesnika,
- vrši poslove primjene ordinirane terapije, seruma i vakcina,
- medikamentata i vakcina – oralno,
- upravlja putničkim vozilom prilikom obavljanja kućnih posjeta i rada na terenu,
- obavlja i druge poslove koje mu stavi u zadatak neposredni rukovodilac.

Visina osnovne plate: cca 1.176,45 KM

Mjesto rada: JU Dom zdravlja sa stacionarom Olovo.

III

Postupak izbora kandidata vršit će se na osnovu razmatranja dostavljene dokumentacije te održanog intervjua sa svakim od kandidata koji je dostavio urednu, potpunu i blagovremenu prijavu na poziciju za koju se kandidat prijavio.

Kriterij za bodovanje kandidata će biti održani intervjui.

Intervju će sadržavati pitanja iz oblasti struke kao i poznavanja poslova predviđenih radnim mjestom na koje se odnosi prijava kandidata.

Svaki kandidat mora ostvariti najmanje 60% bodova na održanom intervjuu da bi se smatrao uspješnim te da bi se našao na Listi uspješnih kandidata.

Ukupan broj bodova koji se može ostvariti po osnovu intervjua, kandidatima će biti saopšten prilikom pristupanja na intervjui.

IV

Uz prijavu na javni oglas koja je zaseban dokument i koja mora biti potpisana, kandidati su dužni priložiti i sljedeće dokaze:

- Kraću biografiju, e-mail adresa i kontakt telefon kandidata, koja mora biti svojeručno potpisana;
- Diplomu o završenoj školi;
- Odobrenje za samostalan rad;
- Uvjerenje o položenom stručnom ispitu;
- Potvrda ili uvjerenje kao dokaz o radnom iskustvu u struci izdat od strane poslodavca kod kojeg je ostvareno radno iskustvo ili Uvjerenje izdato od strane Porezne uprave ili PIO/MIO Federacije BiH;
- Uvjerenje o državljanstvu;
- Izvod iz matične knjige rođenih;
- Dokaz o položenom vozačkom ispitu B kategorije;
- CIPS-ova potvrda o prebivalištu.

Dokazi se prilažu u originalu ili ovjerenim fotokopijama.

NAPOMENA: Izabrani kandidati će biti u obavezi da, u roku od 15 dana od dana zaprimanja obavještenja o njihovom izboru kao najboljih kandidata, dostave ljekarska uvjerenja o zdravstvenoj sposobnosti za zasnivanje radnog odnosa na navedenim radnim mjestima.

Ukoliko kandidat/i u ostavljenom roku, ne dostavi/e ljekarsko uvjerenje smatrat će se da je/su odustao/li od zaposlenja.

Poslodavac ima pravo poništiti Javni oglas ili jedan dio oglasa, usljed opravdanog razloga, ukoliko bi isti mogao prouzrokovati veću štetu poslodavcu od njegovog održavanja na snazi.

V

Prijava na javni oglas se podnosi na adresu: JU Dom zdravlja sa stacionarom Olovo, UI. Branilaca Olova bb, 71 340 Olovo, ili lično na protokol Doma zdravlja sa stacionarom u zatvorenoj koverti, sa obaveznom naznakom „NE OTVARAJ – PRIJAVA NA JAVNI OGLAS ZA RADNO MJESTO _____“.

Na koverti se obavezno navodi za koje radno mjesto se kandidat prijavljuje kao i ime, prezime i adresa pošiljaoca.

Neuredne, nepotpune i neblagovremene prijave, Komisija za izbor kandidata za prijem u radni odnos će odbaciti Zaključkom.

VI

Rok za podnošenje prijava je 8 dana od dana objavljivanja Javnog oglasa u dnevnim novinama Oslobođenje, na web stranici osnivača – općine Olovo, i web stranici JU Službe za zapošljavanje Zeničko – dobojskog kantona Zenica, računajući rok od njegove posljednje objave.

VII

Kontakt osoba za davanje dodatnih obavještenja je Emir Muminović, broj telefona za dodatna obavještenja je 032/828-082.

Broj: 3311/23.

Datum: 29.12.2023. godine

POM.DIR.ZA PRAVNE POSLOVE

Emir Muminović, dipl.iur.

Dostavljeno:

1. Oslobođenje
2. Općina Olovo
3. JU Služba za zapošljavanje Ze-do kantona, Zenica
4. a/a.

V.D. DIREKTOR

*Mr.sci.med.dr. Izudin Kućanović
specijalista interne medicine*